

T 5237.77 / 2207(3)

3

CHINESE-JAPANESE LIBRARY  
HARVARD-YENCHING INSTITUTE  
AT HARVARD UNIVERSITY  
YAMAMOTO  
NOV 21 1958

有  
1086

五卷

徐相公存菴

駱翰編

莫如忠

中江

曹大同于野

宋曰藩射波

高應冕

有 1086

尹臺洞山

方攸躋篆石

徐渭

施漸武陵

喬世寧

謝少南與魂

許方寸

空

孫陞季泉

包節

屠隆赤水

唐鶴徵變黃

余應舉

王叔杲陽谷

王寵

雅宜

王維禎槐野

王問崑山

潘恩

蘇祐舜澤

王廷陳

葉芳世

羅應齡海岳

嚴嵩介溪

文徵明衡山

方新

張之象

張之象

王屋

羅洪先念菴

楊繼盛

呂特中潭西

郜永春仰簾

鄭坤

石南

唐順之荆川

沈練

顧存仁懷東

劉鳳

陳東川

近思子

許穀石城

皇甫濬少玄

屠應峻

魏學禮

趙完璧

海壑

蔡汝楠白石

皇甫訪百泉

屠應峻

魏學禮

趙完璧

海壑

高叔嗣蘇門

李時行青霞

吳維嶽霽寰

李元昭响樓

趙慎修

清廓

明詩

五言古 七言律

批點明詩七言律卷五

哈佛大學漢和  
圖書館珍藏印



東明穆文熙敬甫批選

石 星拱辰閱正

長洲知縣劉懷恕校刊

莆田陳知占繕書

徐相公

名階字子升號少湖更存菴華亭人嘉靖癸未探花官少師

劉南坦中丞以扇索題時南坦以病告歸

宦海鴻名四十年江湖歸計蚤春前  
自憐白髮尋勾漏不向朱門草太玄  
郭外看山晴過雨庭前種竹煖

生煙遙知適意應如許。欲寫新圖繼輞川。

寶應湖即事

官程一雨靜無埃。汀草汀花細作堆。落日波光迷遠望。空江月影墮深杯。山應有約移舟近。鳥為忘機向客來。一片閒情誰與共。醉斜烏帽倚雲隈。

橫溪為彭元禎賦

橫溪東去水迢迢。虛閣重簷共寂寥。山外夕陽斜度鳥。雨餘春渚暗通潮。寒空落葉書聲靜。秋草孤帆客夢遙。欲徙西湖湖上石。為君乘月更吹簫。

尹臺

字崇基號洞山永新人嘉靖間進士官尚書

送許元復秀才還吳中

童穉論交已二毛。相思吳楚隔風濤。空憐明月懸珠珮。未向黃塵拭寶刀。仲蔚蓬蒿貧豈厭。元龍湖海氣偏豪。此歸且理裘羊逕。莫學揚雄辨字勞。

謁荆川唐太史陳橋庄

幾歲風塵海甸昏。如公那得卧衡門。焚魚學士迹空秘。衣白山人禮自尊。桂樹攀援聊賦隱。桃花開落更忘言。英雄出處元無定。不見南陽與渭村。

三詩如殿閣崢嶸鳴珮鏘然

孫陞

字部尚書

號季泉餘姚人嘉靖間進士官南禮

送劉使君赴袁州

孫王二公有倡和集王詩雄深孫詩爾雅風骨不同均為詩家上乘

十年通籍在金閨。才子元稱劉孝威。詩探驪珠傳省署。符分虎竹出皇畿。江村花發停朱轂。窓岫雲開坐翠微。遙憶東南山水郡。風流應繼謝玄暉。

鄰居王潘二館友見過

鐘鼓秋城送晚飈。留連二妙坐深宵。鴻鳴碧漢聲高下。月照清樽影動搖。摩詰才華推上客。安仁詞賦重中朝。買鄰何用千金費。日日相過幸不遙。

王維禎

字允寧號槐野陝西華州人嘉靖間官祭酒

冬夜過林太史宅

王詩負氣不世沈鬱有調大是工部之遺人多謂其有文而無詩豈不誤哉

北斗高城欲壓墻。南樓鼓角漸微茫。寒筵酒罷情仍劇。宵路月明去不妨。奕世衣冠周太史。驚人詞賦漢長楊。交游海內如君最。跨馬時來學鄭莊。

元日

白霧陰陰欲匝天。今年元日異常年。簪纓朝退沾猶濕。梅柳春遲凍不妍。愁節軒車交紫陌。臨風樓閣落朱絃。愁予正爾成孤坐。柏酒盈觴為罷傳。

贈方厓趙年兄之南都

十載承恩侍帝闈。封章四海奏曾稀。漢庭賈誼名何忝。春水吳舟志却違。寇盜關南輦鼓急。烽煙塞下羽書飛。時危愁劇君仍遠。回首江樓定濕衣。

夏日同敖尹二太史劉客部朱憲使郊寺讌集  
會大雷雨是時朱得除督閩中學怯暑滯行予

為紀述二首

市遠林深暑自微。城居六月旅遊稀。能驅汗馬臨中野。共坐虛堂敞北扉。過院雲霞看屢變。趁時雷雨罷

仍飛。人間萬事誰堪問。但醉醞醑莫遽歸。

江行六月苦炎蒸。有客停橈滯五陵。匣劍囊琴秋獨卧。佛樓禪塔喜同登。雷轟舍利朱光落。雨颯罌罍紫鴿騰。轉眼清秋南棹促。三山佳興共誰乘。

宿碧雲寺偕同遊諸子

秋深處處皆搖落。入寺松陰鬱未稀。斜日鶴歸寒共宿。上方僧定夜相依。為談夢幻嗟人世。却望雲霞滿帝畿。匡濟於今公等在。吾將從此結山扉。

寧山寺

山除勝集神仙侶。野色晴看錦繡文。松。老天風巢鶴。鶴塔高。霽日鎖煙雲。回廊四起。笙歌滿。峭壁千重。木葉紛。莫把昏鐘促歸騎。天涯明發又離群。

原州鎮西樓松石公讌集用韻

危樓真倚白雲間。霧堞陰陰合萬山。地險胡塵空絕漠。天遙漢壘接重關。杯前劍罷笙歌起。塞上年來虎豹閒。壯觀平生今更幾。坐升海月不知還。

原州魚池秋泛用三渠宮諭韻一首

夜深燈火燦池臺。歌管留懽未擬回。十里煙花雙放

舸。百年天地幾銜杯。入波星斗帆前動。驚吹鳧鷖鳥上來。笑指滄洲生遠興。醉吟巴曲愧雄才。

臨潼初度

辛丑仲冬月二日。吾今三十五年過。漫將車馬驅塵海。豈有文章艷綺羅。冉冉松雲依閣度。輝輝梅日傍人和。他鄉杯酒難成醉。策杖驪山望故阿。

嚴嵩

字維中。號介溪。分宜人。嘉靖間官少師。

次襄陽

朔雪荒臺獨鴈飛。楚鄉凝眺轉依依。天連浦溆惟寒

諸詩清奇  
亦為聲律  
家不廢

水山隱城臯已夕暉。旅客競尋潼口佳。釣船閑傍鹿  
門歸。龐公舊隱巖扉在。悵望無因得息機。

無逸殿直舍和夏少師公韻

燈燭通宵晃御廬。霧窓雲閣近宸居。瑞煙入座香浮  
苑寒影窺簾月到除。緱嶺乍聞丹鳳吹。穀城先訪赤  
松書。歸來未向人間說。天語親承燕對餘。

見用修贈張生詩和以寄之

文酒高懷強自寬。風煙異域若為懽。哀歌漫引馮驩  
缺。感遇空彈貢禹冠。梁月漸低回遠夢。塞鴻初至得

新翰春愁知恐銷。容髮莫向天涯重倚欄。

羅洪先

字達夫號念菴吉水人嘉靖己丑狀元官  
贊善

登雙江公凌空閣

拔空披翠八窓開。誰向青霄起玉臺。舊客遠從雲外  
入。主人新自日邊回。憑軒獨坐千峯上。斲地高歌萬  
壑哀。來往便當乘鶴背。愛君身已出塵埃。

秋日登覽勝樓

登樓已覺江流壯。江外群山遠更奇。千里波寒來棹  
處。萬家砧動倚闌時。斗牛夜氣雙龍近。彭蠡秋聲一

贊善多講  
學詩茲采  
其唐調二  
首錄之



鴈知客到莫論誰地主徐亭煙月向人遲。

唐順之

字應德號荆川武進人嘉靖間官都憲

張相公壽詩

唐公詩典  
麗春容綽  
有盛唐體  
裁但其時  
義擅場一  
代詩為所  
掩予故表  
而出之

惟中運策九州清共說留侯在漢京賜第近連平樂  
觀入朝新給羽林兵儒生東閣承顏色酋長西蕃識  
姓名却望上台多氣象年年長傍紫宸明

朱仙鎮觀岳將軍廟

丹青畫壁閃旌旂想像勤王轉戰時黃屋未歸南狩  
駕金牌已罷地征師平蕪漠漠前朝隔曠野陰陰暮

吊武穆詩  
此為絕唱

鳥悲惟有西湖原上樹春來猶發向南枝。

元夕詠冰燈

正憐火樹鬪春妍忽見清暉映夜闌出海蛟珠猶帶  
水滿堂羅袖欲生寒燭花不礙空中影暈氣疑從月  
裏看為語東風暫相借來宵還得盡餘歡

登喜峯古城時三衛貢馬散牧塞外

絕頂孤峯見廢關短衣落日試躋攀三秋豹旅方乘  
障萬里龍媒正滿山候鴈似隨鄉思去寒花將送使  
臣還籌邊迂薄真無補空望伊吾抵掌間

許穀字仲貽號石城上元人嘉靖間太常卿

潞河道中寄都諸君

長河南下客程遙北望燕山翠不消散吏衣冠今故國美人簪珮總丹青風前驛樹枝搖落天外江鴻影寂寥何日金門還曳履雲中重聽奏簫韶

秋懷

老向都門學種瓜炎涼長是惜年華西堂蟋蟀還依草南浦芙蓉已著花蓬垢故應裁白幘塵容何處覓丹砂秦淮東望秋濤淨醉後思乘上漢查

蔡汝楠

字子木號白石官大司空

浙江德清人嘉靖壬辰進士

遊徐公子西園

西園飛蓋月中遊隨意登攀自可留門逕近連馳道樹池塘遙接漢宮流坐看虛牖明珠爍行見深松間畫樓一自王孫開別第鳳臺花鳥不知秋

自題前山草堂

草堂舊結北山阿逋客還家洽薜蘿遠院松林嵐翠重滿庭蕉葉雨聲多清樽自對叢花發高枕無如啼鳥何若道世情堪澹處門前終日俯滄波

許公家建業自能為六朝風流語

蔡詩思深語險不落塵詮

題揚州郝公東園寅樓

大隱結樓城市裏，獨憐樓戶向東開。  
瓊花不受西風落，虛幕常迎曙色來。  
海畔三山堪寄眺，林間五老共傳杯。  
知君別訪長生訣，倚檻時時待鶴回。

遊南嶽三首

五峯高插紫冥開，南極星辰入望迴。  
綠字尚留神禹碣，瑤函仍秘上封臺。  
席前林靄千層碧，山外江流百折來。  
最是平生葵藿志，夜深觀日倚徘徊。

迴風高磴訝秋寒，炎德由來桂樹繁。  
衡嶽總為南國

三詩如閑  
風起霞險  
恠石出

紀。祝融尤擅五峯尊。天連紫蓋懸江色，雲起朱陵捲洞門。  
歷歷名山皆屏翰，守邦何以稱維藩。

分符不廢尋丘壑，風物誰言邁永嘉。自覺躋攀出塵境，  
行看籬舍總仙家。危峯倒映常流澗，密樹晴飛不斷霞。  
祇嘆湖南懷古意，九疑無處望重華。

送何縣令赴東莞

何君標格冠衡陽，官應星辰近拜郎。衣錦暫還湘水曲，  
腰章遠赴粵人鄉。蔓藤接屋公庭靜，茉莉編籬別院香。  
一片冰心向南海，誰知嶺表是炎方。

石鼓山李別駕席上詩似諸君

芳草叢生楚水湄。招邀勿負賞春期。東風傍柳連轆  
度。細雨聽鶯轉旆遲。世路睚眦嫌忤物。侯門捭闔笑  
干時。總知浮譽終何益。坐對江雲但詠詩。

自岳陽泛舟下武昌呈姚嚴二使君

炎天征路洞湖邊。聊駐油幢訪洞仙。徒從便隨漁客  
棹。煙波誰認使君船。鴨欄落水沙痕出。魚浦濃陰樹  
影連。行望江樓黃鶴近。白雲如待意悠然。

岳陽似姚臯亭使君

使君遲客岳雲隈。客愛登臨去旆迴。路轉高陵巴子  
盡。湖歸衆水洞庭迴。帆飛葉沿城渡。孤嶼浮青入  
檻來。知是何年張樂地。如聞餘韻繞層臺。

題贈宗室匡南

窓裏匡山榻上雲。香爐晴靄晝氤氳。不離南浦心常  
到。為道天池月是君。別館條然如隱士。高情密爾寄  
斯文。長謠若繼唐供奉。須遣詩筒報客聞。

簡羅念菴修撰

再辭金馬返園林。記別青門歲月深。文應五星方擅

世學窮三昧。一冥心。雲遊不遣人間識。龍卧唯傳物  
外吟。想見閣前千頃玉。肯容載酒共登臨。

九日邀大行朱白野登西亭宗尉園樓

滿甕茱萸物候催。邀歡寧藉白衣來。風前鴈自關山  
感。莫下花疑故苑開。寒帳最憐南郡客。登高况倚信  
陵臺。留連非止酬佳節。心醉西園集上才。

衛源孟公邀遊東園時牡丹盛開

大梁東郭上卿家。為訪名園嘆物華。閏歲別來重命  
酒。一春今日始看花。長迎朝旭枝偏麗。不受西風卉

獨嘉。和氣浹人無既醉。醜顏相送出紅霞。

送張許東進士北上待次補令

中州詞伯許東居。相見溫然玉不如。持服多年卧墟  
里。彈冠此日戒軺車。終期孤鳳依青瑣。先望雙鳥向  
紫虛。慙似吳公方守洛。憐君未達薦賢書。

寄懷董潯陽少宰

天上離群條暮春。江南薊北隔音塵。論交鮑叔偏知  
我。推轂祁奚不避親。蒼水自隨移跡遠。黃麻行見沐  
恩新。濟時異日咨元老。莫道衰顏是舊臣。

許東自公  
輔之器詩  
能早發之  
不落溢語

靈谷寺送唐默菴兼簡錢南郭

西曹出祖向東林。勝境那堪離思侵。山徑踈松分曉  
翠。郊原平楚帶秋陰。空江鳧鷖天邊影。上國鵝鴻夢  
裏心。此去山公定相問。稽康好嬾別來深。

寄唐一應德

蚤承優詔返林居。滿院蓬蒿仲蔚廬。野逕採樵逢射  
雉。水鄉穿沼試觀魚。碧山相對幽情愜。愚谷爲鄰世  
事踈。聞說經年謝詞賦。聞窓應注道家書。

覽皇甫進士經海印廢寺之作因寄

帝京舊寺識慈恩。鏡水蕭條傍繚垣。無復山門訪支  
遁。獨留徑草待王孫。樂遊苑近花猶發。說法人非鳥  
尚翻。聞道夫君諳內學。本來空處更何言。

高座寺

雲公臺榭至今留。休暇追隨訪古遊。秋色總歸紅葉  
寺。楚江還見白蘋洲。松林月上言彌靜。閣道鐘殘思  
轉幽。莫訝爲郎貪佛日。官閑禪定兩悠悠。

贈醫僧際公

本爲入山醫鶴病。逢師元會大乘禪。世人未解華嚴

明詩七言律卷五  
三  
偈妙法聊從藥品傳。香供每添靈草味。黃金即布杏花田。願陪默坐看爐火。亦似維摩得道年。

遊南嶽

為耽名嶽赴炎荒。更問禪宗歷上方。祇謂新秋餘伏暑。不知初地倏清涼。南巖久廢傳燈室。諸寺空開說法堂。但對寒山證空寂。何勞半偈使心降。

高叔嗣

字子業。號蘇門。洛陽人。嘉靖癸未進士。官庶使。

再次真定城別陳秉中時自京西還

經途雨雪涉冬春。倉卒重過柰此身。客舍留人村酒

蘇門律體  
有古意乃  
盛明作者

熟官橋繫馬柳枝。新河山半折北來路。烽火全驚西望塵。別去定知頭白盡。邊隅誰念一征輪。

飲平定孫太守宅奉贈時壽八十二

榆關月出滿晴暉。留客芳尊盡夜歸。本戀青山辭虎竹。甘垂白髮守漁磯。藥欄傍戶花香入。藤樹當庭葉露微。便向磻溪問衰健。周王仍欲夢熊非。

東原晚望答李鴻漸

東原晚望草煙齊。久卧無心出路迷。聞立秋風看木落。獨行斜日聽烏啼。一官已謝於陵後。百畝纔開莘

野西此地故人應念我逢人昨有數行題

送抑之侍御謫興國

別離無柰客心煩直道南遷荷主恩臨路加餐好自  
愛平居握手更何言連山楚雨迷官舍隔縣鄉音認  
故園君到江州定回首同遊霄漢幾人存

莫如忠

字子良號中江華亭人嘉靖間進士官方

遊寺

香界追攀十載曾薜蘿深處翠微扃齊梁古跡譚雙  
樹水月玄心鏡一燈山鳥弄晴春冉冉閣雲凝碧畫

方伯深於詩有長安道中一首尤為絕唱偶失之矣

冥冥投簪莫訝歸無侶猶有逢迎白社僧

春日遊虞山

興在春山獨遠尋行隨杖屨歷欽岑千盤磴出花間  
路百轉鶯調谷口音石洞流雲蔽窈窕海門初日變  
晴陰更臨絕巘看飛瀑頓覺清冷淨客心

駱翰編

名字失考嘉靖間官翰林

嚴先生祠

富春山下鬱春煙曉日掘衣古廟前遺跡不隨陵谷  
變高名常與日星懸灘聲汨汨流偏急松色蒼蒼節

翰編詩有幽致詞復典麗



再堅慚愧十年南北路。遠心空寄白雲邊。

訪友塗中滯雨

長河波浪渺無津。疋馬西風日易曛。客舍况逢三日雨。故人猶隔數重雲。山容慘澹當窓見。鳥語啁啾近水聞。信有路難行未得。旅愁鄉思益紛紛。

方攸躋

字君敬。號篆石。莆田人。嘉靖庚戌進士官。負外郎。

寄余德甫年丈

余初不諳方公。乃其里人。陳本容則亟道之。為覓二首錄之。果盛唐語也。

梅福都門早掛冠。章江歸去老漁竿。寒帷南越鯨波靜。高枕西山劔色寒。世上虛名悲燕雀。秋來幽谷憶

芝蘭樵川倚杖霜楓暮。萬里愁心寄羽翰。

人日

曉雲東望七臺前。碧草長堤生煖煙。歲事金花終七日。山城旅食已三年。風塵病色春堪起。湖海狂心老尚懸。回首明光成夢幻。感時徒自拂龍泉。

包節

字元達。華亭人。嘉靖壬辰進士官御史。

九日與客小坐偶對鸚鵡兼聞笙

湟中留滯兩重陽。一上烽臺思渺茫。落葉共為江海客。野花聊薦歲時芳。當筵解語調鸚鵡。鄰院吹笙寫

包公在放逐中詩意和平殊無澤畔之苦

鳳凰子晉。禰衡精爽在。豈憐愁緒勸飛觴。

臨淮遇雪贈劉漸齋侍御謫居

白簡彤庭幾抗章。一麾銅墨便為郎。關門變柳猶飛雪。縣郭無花祇避霜。雲接楚山聊隱吏。地臨淮海舊興王。可應禁闥違長孺。帝念中都是沛鄉。

彭城贈顧一諫議自居庸遇赦還蘇州

歲晚逢君塞上來。紫貂零落劔花開。猶思玉殿批鱗日。敢望丹青托鳳迴。去國幾經邊地草。還鄉初發故宮梅。長洲茂苑真堪隱。漢帝能忘賈誼才。

答薛方山

河外乘城歲幾除。故人能寄數行書。關榆擁日通官舍。塞草含煙藉使車。定遠貴從投筆後。當陽功自注經餘。知君夙負平胡畧。振旅高秋慰索居。

王問

字子裕號崑山無錫人嘉靖壬辰進士官僉憲

將至金陵聞喬景遷官赴蜀

共期江上聽潮聲。幾歲秋風旅鴈情。正喜舟臨桃葉渡。忽聞君向蜀山行。巴川水映琴臺落。劍閣雲隨馬足生。後會不知何日是。鐘陵西望淚縱橫。

仲山子繼山君與余同省署故余得習於王公之詩蓋如姑射仙子吸露飡霞少無塵

溘之氣者

遊牛首山歸與寮友宿天界寺

看山遙在萬峯西。歸路亭亭江日低。散吏自堪攜伴  
侶。閒心猶得住招提。經壇露淨天花落。塔院風清谷  
鳥啼。長習跏趺入禪寂。亦知虛幻此生迷。

送顧九華赴滇南幕府

城邊日出曉裝成。送子昆明萬里行。五華峯前無鴈  
度。分茅嶺外有猿聲。滇江半是黔人國。銅柱常標漢  
騎營。欲建勳名須絕域。渡瀘休起故園情。

謁韓祠

落鬼行歌入市明。市中誰解識王孫。武關預定三秦  
計。漂母終償一飯恩。祠下春繁虛白晝。城陰秋草易  
黃昏。弓箴漢帝東遊日。寂寞潮聲弔古冤。

文徵明 字徵仲 號衡山 長洲人 嘉靖間聘為待詔

致仕出京馬上言

白髮蕭疎老秘書。倦遊零落病相如。三年虛索長安  
米。一日歸乘下澤車。坐對西山朝氣爽。夢回東壁夜  
窓虛。玉蘭堂下秋風早。幽竹黃花不負予。

經西苑平臺有作

徵仲書法 高一代人 多以書求 之不知詩 思秀喪雅 有可傳其 二子彭嘉 俱有父風 去不得其 詩矣

日上宮牆霏紫埃。先皇閱武有層臺。下方馳道依城  
盡。東面飛軒映水開。雲傍綺䟽常不散。鳥窺仙仗去  
還來。金華待詔頭都白。欲賦長楊愧不才。

承光殿在太液池上一名圓殿中有古栝數百  
年物也

小苑平臨太液池。金鋪約戶鎖蟠螭。雲中帝座團瑤  
蓋。城上鈎陳繞翠旂。紫氣曾迴雙鳳輦。青松猶並萬  
年枝。從來清蹕深嚴地。開盡碧桃人未知。

雨中放朝

霏微芳潤浥霓旌。塵落丹墀散履聲。暝色浮煙迷左  
掖。碧雲將雨近西清。柳垂青瑣千絲重。水落銀橋萬  
玉鳴。沾灑不辭袍袖濕。天街塵淨馬蹄輕。

楊繼盛

字容城人嘉靖間進士官兵部員外  
郎贈太常少卿

夜感月有懷

鎖合西臺煙霧浮。孤燈相對夜悠悠。寒欺草榻涼如  
洗。風捲星河暑欲流。報主獨憐成孟浪。論文誰復憶  
同游。多情惟有舊時月。猶自偷光入氣樓。

沈鍊

字子剛號青霞山陰人嘉靖間進士贈光祿  
少卿

楊沈二公  
號稱烈士  
天意其人  
稚也乃其  
詩俱風七  
去有致

答陳鳴野社友

十年赤縣頻為吏。一疏中朝便落官。勞寄音書如夢寐。細籌世路轉艱難。馬蹄最識邊沙苦。鴈影猶驚塞月寒。詞客幸能憐旅況。玉門應為賦生還。

皇甫洵 字子安 號少玄 長洲人 嘉靖壬辰進士

赴丹陽廣福寺與弟言別

古寺碑題西晉年。澄湖如練倚窓前。寒雲自覆金光殿。荒草猶埋玉乳泉。楓葉染霜秋後色。雨花和梵夜中禪。亦知閱水同觀世。不柰潮聲送客船。

皇甫汈

字子循 號百泉 長洲人 嘉靖己丑進士官稽勳郎中

應謝二兵曹見訪不值

城東聊寄逐臣居。何事頻廻長者車。南郡才華推謝朓。西園詞賦重應璩。朝聞散佩鑪香裏。時共談兵樽俎餘。却恠披帷人不見。壁間鳳字漫留書。

訪李伯華太常

拂衣歸卧一丘安。命駕何辭千里難。書插高樓蟲蠹盡。棋拋別墅鳥污殘。雄心每向詞中發。變態都將戲裏看。自愧交知成白首。猶持長劔倚人彈。

皇甫伯仲以詩為業各臻妙境面司勳尤為白眉

伯華以善相名又嘗作密劔記故司勳及之亦甚本色

嚴潭席上贈王進士

少年獻策承明後。遂見乘輅出漢關。司馬新為巴蜀使。買臣初向會稽還。江邊路轉通吳苑。天外霞標指越山。不是絳紗門下客。何由瓊樹一相攀。

普德寺

古寺城南訪六朝。高臺一望幾蕭條。門前黃葉催年暮。林外青山覺路遙。塔影常圓沙苑月。鐘聲靜帶楚江潮。老僧宴坐耽禪定。送客何曾過虎橋。

送王戶曹擢九江守

甘泉獻賦早知名。才子為郎在兩京。闕下承符初出守。郡中列戟已相迎。空庭廬嶽晴雲色。燕坐潯陽江水聲。試覓古來循吏傳。幾人年少寄專城。

李時行

字少偕號青霞番禺人嘉靖辛丑進士官主事

憶昔

水落天空滌暑收。微茫煙渚隔沙洲。寒催砧杵千家月。霜到關河幾樹秋。聲斷塞雲聞鴈過。光侵池草見螢流。感時玉粲心徒切。獨倚荆南萬里樓。

酬陳鳴野見寄

千里勞君問索居。江空歲晚獨愁予。祗緣嶺外無來  
鴈。莫道天涯少寄書。草溼秋深吟蟋蟀。石池霜冷落  
芙蓉。關河迢遞風塵隔。兩地同看月色虛。

夏日同姚子王費子文遊雲居寺

蒼煙白石滿空山。野寺深藏亂竹間。遊客謾隨清磬  
入。老僧長對落花閒。潭邊宿雨從龍去。樹底殘雲伴  
鶴還。盡日臨流恣幽賞。披襟坐遍石苔斑。

小浮丘間居

門巷春深晝不開。苔前蝸跡雜苔斑。隣沽自可長留

客。市隱何須更買山。有興獨尋芳草去。無機唯愛白  
雲閑。坐臨磐石看流水。日暮常隨倦鳥還。

偕姚唯之宿甘露寺

城頭山勢隱樓臺。千古禪宮向水開。帆帶暮雲歸海  
去。風吹明月過江來。幾宵清話分僧榻。一片閒情付  
酒杯。世事悠悠君莫問。寒潮東下幾時回。

九日客淮上有懷

返棹東吳未有期。風塵湖海尚驅馳。黃花已負三秋  
興。明月空懸千里思。露冷袁郎江口樹。雲深漂母驛

邊祠夜闌一曲西樓笛何處征人怨別離。

曹大同

字子貞號于野南通州人嘉靖間貢士授光祿署丞

登岱嶽

宗嶽磴盤高造天。翻從下界見雲煙。登封漢蹕餘風景。表記秦碑空歲年。絳節香飄龍虎馭。玄壇寒切斗牛纏。微茫八表浮元氣。較似身遊太古前。

登燕子磯次韻

百疊蒼屏一徑通。背巖亭子枕江雄。歸雲擁樹藏深寺。峭嶺連城上逼空。萬戶煙花晴照裏。六朝興廢水

二詩氣勢磊砢有仗嶽金陵之雄

聲中間情徒倚虛明界。鐘磬蕭蕭落晚風。

施漸

字子羽號武陵無錫人嘉靖間官縣丞

寓居寺閣晚坐遣興一首

高閣東林出翠微。萬家煙樹晚依依。涼風入院僧初定。片月臨窓鳥獨歸。學道但令知我少。逃空始覺足音稀。社中何用求玄度。久住深山自息機。

過洞庭湖

春暮登臨到岳州。洞庭形勝盡中流。桃花浪濶三江水。楊柳絲長百尺樓。鞍馬去年京國嘆。煙波今日故



鄉愁蒼茫南北勞相憶。又向長沙繫葉舟。

徐渭字文長山陰人嘉靖間庠生

二月十三日自順昌返越復過延平宿劍潭

文長白鹿一表才名特起詩固稱之

沙洲碧樹遠煙生。此夕維舟古劍城。幾日漸看春色暮。經年猶在客途行。郡當積水谿流會。岸夾浮橋鐵鎖橫。睡起推篷來月影。猶疑劍氣拂波明。

送彬仲應貢北上

經閣詞林早擅名。莫將難遇嘆平生。已通薦籍非無路。不負相知在此行。萬里桃花添馬色。一行征鴈渺

離情定知後夜相思處。獨坐山居對月明。

白燕

閑庭盡日見還稀。院院梨開去漸微。別殿幾年埋玉匣。舊人何處認烏衣。春風水面徒聞語。夜月梁間好弄輝。安得姚家紅線縷。即看片雪帶花飛。

唐鶴徵字玄卿號疑菴無錫人隆慶辛未進士官禮部郎中

史郡伯招同郡諸公飲新園即席授贈

厭從末路走時名。北圃南園祗獨行。久卧林臯知物化。自辭朝市見交情。疏池為借濠梁色。種竹將分嶰

玄卿名家子方為孝廉時值拱辰杖遂乃登其舟呼此之言意氣慷慨有節俠風及其既第又過吾里典

拱辰飲數日而去兩事余適不此然心知玄卿奇士也其詩之雄雋磊落大類之全稿未出僅得四首

送茹侍御子孝出按宣大

谷聲虛館月明人散後時緡內典學長生  
執法班高列殿中旋看繡斧倚花駉舳艫九道徵輸  
集鎖鑰三關氣象雄此日金縢愿減費他年士馬合  
收功誰知尊俎多長策豈藉朝來貢市通

病足

蚤持三戒事栖禪蒲柳其如質未堅於我有形真是  
幻見人無恙却疑仙縱長似鶴寧容斷或少如夔則  
可憐無趾尚知尊足在穀中不中謂非賢

庚辰冬懷東泉石公無致少春穆公

悠悠岐路日東流可謂身閒便自由謝傅固應懷遠  
志虞卿何得老窮愁鵬飛乍息風將起豹隱雖深霧  
欲收為問琴書他日事庭前玉樹幾枝抽

屠隆

字長卿號赤水寧波人萬曆丁丑進士任清浦知縣

冬夜酌司馬公所

朔風吹海暗蒼蒼門掩疎桐落葉黃江上青山宜莫  
雨尊前華髮感流光孤城擊柝寒聲壯高館燒燈夜  
色長坐到殘更銷白墮開簾河漢度微霜

長卿尹南中典諸吳人為詩雄篇錯落逸氣飛翻着越兵橫行江淮間霸氣赫然晚得其集可為吾選殿後

范司馬公園

秀水扶疎衆草齊。開殘紅藥半香泥。烏窺青嶂平湖入。人倚朱樓落日低。曲竇暗通花徑外。垂楊橫過石闌西。坐來麋鹿深深見。不是桃源路已迷。

入直左掖中貴乞詩有作

兩朝出入有輝光。五夜疎鐘滿未央。萬樹宮花歌寶扇。千門御柳映明珠。心如芳草生金輦。身是紅雲近玉皇。不貴人間明月色。曾於天上聽霓裳。

送凌合肥

美名年少氣從衡。迢遞吳天一騎行。草色秋連盧子國。潮聲夜上楚王城。山川日落雄風起。壁壘烟銷古戍平。把酒菰蒲江月出。應知慨忼使君情。

長安秋興

露白金鋪秋色微。夜長銀漏月輝輝。五侯駿馬金為飾。九月盧龍鐵作衣。風急短刀鳴曠野。霜清長筴傍寒機。登臨不灑關山淚。三十年來意總違。

作客長安幾月明。金刀玉尺總關情。高鴻畏向蘆花宿。遠客翻衝木葉行。濁酒且憑留暮色。寒天何處不

印言七言律卷五  
秋聲蕭蕭古路逢根在心折關河班馬鳴

秋閨怨

燕去春泥落畫梁。螢飛團扇玉階涼。強將錦字傳秋  
鴈。却恨疎簾捲夜霜。宛轉流蘇愁自結。步搖寶髻不  
成妝。妾身願作關山月。猶得年年照朔方。

揚州懷古

直將千古掩風流。宛轉覓迷十二樓。半部烟花銀燭  
夜。滿江風雨錦帆秋。歌殘艷曲傳商女。香散金塘自  
水鷗。年去年來春草綠。斷腸明月照揚州。

金山寺

樓臺澤氣寫氤氳。萬里空波蕩夕曛。天地蒼茫孤寺  
出。東南咫尺大江分。鐘聲夜度秦淮月。樹色寒生瓜  
步雲。不用蓬萊望宮闕。吾將此地淨埃氛。

寄開之

關山一隔故人歡。幾見長河明月團。水落濠梁三楚  
白。雲生蓼國九江寒。向來日月侵雙鬢。何物乾坤寄  
一官。廣陌青驄能念我。不如楊柳傍金鞍。

送顧汝和中翰奉使滇南還朝

酌酒登車覽大荒。馬頭雙劍落春霜。花明漢節為天使。水綠蠻雲是夜郎。萬里老披銅柱月。千金貧謝尉佗裝。送君正好歌南浦。欲採靡蕪不滿筐。

喜馮開之予告歸

滄江豈是學垂綸。龍性終然不可馴。三殿晴雲傳賜詔。五湖烟月引歸人。西灣水綠堪銷夏。南浦花紅好送春。持節回來還四壁。漢朝惟有馬卿貧。

寄張伯起

蚤罷公車事隱淪。才名俠骨重王孫。家藏匕首堪臨

難客有如姬。解報恩歌入天風。吹白恰酒深江月。漏朱門看君直以千秋論。吾道今知丘壑尊。

聞元美先生有奇遇詩以訊之

千年綵筆挾銀河。帝許食霞卧薜蘿。遂有靈妃捐玉珮。不須石洞采金鸞。蹉跎我已慙勾漏。咫尺君應到大羅。自向蓬萊見清淺。西飛白日奈人何。

聞嘉則君典開之會於湖上有作

仙人親汲虎跑泉。路踏千峯竟窅然。何物凌空堪鳳嘯。忽吹長笛醒龍眠。夜深月色嬌歌扇。水冷桐陰覆

酒船自笑無端身作吏飛心遙挂白雲邊

批點明詩七言律卷六

東明穆文熙敬甫批選

石 星拱辰閣正

長洲知縣劉懷恕校刊

莆田陳知占繕書

潘恩字子仁號笠江上海人嘉靖癸未進士官司

和舜原勝果寺

浮屠迤邐帶山隈石徑紆徐接露臺  
劍嶺煙霞琪樹合梓州風物翠屏開  
虛無蜃閣當空見颯沓曇花匝

穆子曰潘詩沈厚有氣

地迴盡日淹留情不極始知人世有蓬萊

和舜原梓州東山寺

虎溪東上白雲居棟宇冠山洞壑虛岷水煙波千里  
外禪林金碧六朝餘蝸行篆刻侵蝌蚪燕掠經床落  
蠹魚對竹焚香塵市迥蒲團終日翫真如

蘇祐字

號舜澤濮州人嘉靖間進士官尚書

送楊子夢羽奉使修謁鳳陽 皇陵

閉戶揚雲罷草玄清秋奉使泛吳船河山故抱興龍  
地父老猶傳逐鹿年弓劍鼎湖雲自秘松楸原廟思

公意興甚高得句不若自是盛唐遺韻

常懸須知紫極愁霜露早遣封章達九天

人日水竹亭獨酌

千里何來水上亭故園風物杳雲汀歲時忽漫逢人  
日尊酒蕭條自使星泊泊水泉初泮碧娟娟翠篠欲  
搖青流光荏苒空回首塵暗當年種樹經

呂時中

字道夫號潭西大名府清豐人嘉靖間進士官戶部侍郎

送張觀察赴湖南

使君何處憇蘭輿水國氤氳混太虛江上似聞湘女  
瑟洞中真探禹王書林楓影落青天外渚菡香飄白

余初以詩裝呂公獨許七言絕為開元大曆語而謂七言律為

貞元長慶  
後三年復  
授以秋興  
八首則亞

賞之如七  
言絕焉余

詭公深於  
詩者也因

取其七言  
律讀之果

盡開元大  
唐語矣

庶語矣

浪餘別後相思應更切。北風莫遣鴈行疎。

雨中遊靈巖寺

平沙百里赴靈山。望入珠林靜處閒。清興不教寒雨  
妬。壯遊偏愛白雲還。諸天色現虛無裏。萬壑鳴泉杳  
靄間。明到晴峯最高處。定疑身世出人寰。

靈巖寺喜晴和吳學憲韻

秋山雨過靜嵐氛。爽氣朝來散鹿群。倚杖欲攀峯頂  
樹。披衣猶拂洞中雲。青天塔影當巖落。曉閣鐘聲別  
澗聞。自是新晴供引眺。擬窮竒絕到斜曛。

題孫中丞忠孝全節卷

秉鉞何年護帝京。一朝書奏問歸程。春深綵服還家  
日。天遠蘭臺去國情。芳草競迎秦故里。虜塵猶絕漢  
長城。須知聖主懸餘望。可戀青山舊結盟。

顧存仁

字伯剛號懷東太倉人嘉靖壬辰進士官  
給事後起太僕卿

燕至

把酒題詩花欲然。忽看社燕語堂前。居巢已是更新  
主。作客依然似去年。千里交親輦鼓外。半生羈跡犬  
羊邊。閉門著述還吾事。莫遣春泥污太玄。

顧公起太  
僕時余猶  
及見之蓋  
一意文墨  
官况如水  
者也



太史羅念菴唐荆川駕部傅少巖間道居庸視  
予山中賦贈

明時三雋漢賢良。匹馬衝寒到草堂。落日不妨頻慷  
慨。青山自合老踈狂。一時傾蓋慚雞黍。千里論心重  
范張。今古乾坤公輩在。野人惟有頌虞唐。

屠應峻

字文升。平湖人。嘉靖間進士官諭德。

駕幸西山

行宮迢遞接仙臺。郭外驂驪羽騎來。山護皇輿千嶂  
合。天臨宸極五雲開。春留翠柳供行幄。香引繁花獻

屠詩深重  
不浮得唐  
人應制體

壽杯獨愧周南流。滯者侍臣遙望栢梁才。

晚酣東平劉中丞原清招飲不赴投贈短章

牙旗初淨楚江氛。報國無家豈論勲。三鎮擁旄占勝  
氣。中臺執法應星文。素書早歲傳黃石。綠野新開卧  
白雲。共道東山多景色。獨隨御月望氤氳。

吳維嶽

字峻伯。號霽寰。浙之孝豐人。嘉靖間進士官至都憲。

夜月登樓有懷馮汝言時汝言以事適遼左未

返

公餘結伴躡層城。宮闕雲連雉堞平。花月九衢澄夜

吳公結社

西曹詩中

奇語往

驚人

色關山一鴈動秋聲登樓欲縱風前嘯對酒難堪笛  
裏情東望美人遼海澗刀頭空見塞雲清

元美解官後寄

明時忽漫請懸車慘澹風雲捲旆初毛骨豈慚金印  
肘功名因付皂囊書家尋范蠡乘舟處情切緹縈代  
父餘一自使君辭北海客來常嘆綠尊虛

朱曰藩

字子价號射陂寶應人嘉靖間進士官副使

送陸子還洞庭

五月江門暑氣鮮水祠簫鼓賽龍船最憐別樹當官

朱詩如時  
花過雨露  
意籠霞

路不礙歸雲入洞天樓閣兩山搖碧落楊梅千磔瀉  
紅泉葛衣紗帽吟長夏莫擬平原赴洛篇

雨中過天隆寺檢楞伽遺教諸經作

歷陽飛雨過江寒亂石高杉路萬盤不向諸天行處  
險豈知三藏到時難深林貝葉僧翻少中夏枇杷鳥  
啄殘獨恠世緣非偶爾入門先認說經壇

秋閨怨

合歡樹上烏欲栖空房織錦竇家妻遙遙夜夜誰能  
柰三三五五竝相攜鏡花對影慙雙笑燭淚分行伴

後二聯不  
能舍

獨啼莫道迴文能妙絕陽臺雲雨隔安西。

喬世寧 字景叔耀州人嘉靖間進士官學憲

寄王太史元思謫戍玉壘

學士兩朝供奉年上林詞賦萬人傳一從玉壘長為  
客幾放金雞未擬還聞道買田臨灌口能忘歸馬向  
秦川五陵它日多豪俊空望城南尺五天。

商南寄谿田先生

移家遠傍碧山廬為愛煙蘿擬定居蓬巷有人仍問  
字洞巖深處好藏書過逢况對春宵雨晤語頻停長

喬公曾以行卷百餘首示王元美元美謂其膾炙人口今止存其寄王太史一首外三首則丘隅集也

者車別後更懸芝草夢關雲北望渺愁予。

族子因登蚤慕神仙一旦離群獨往予悲思無

已為賦詩招之

之破人黃白之疑

神仙今古祇傳疑惟爾尋仙志不移玉樹洞中元自  
閱蓬丘海上渺難期漫將流電非人世却恐亡羊歎  
路岐何日定乘緌嶺鶴雲笙來往慰吾思

擣衣

城上秋風木葉稀城中思婦擣寒衣誰憐此夜腸空  
斷獨恨經年戍不歸聲度隴雲傳雪嶺心隨關月到

金微相思更有殘機錦。願逐長安一鴈飛。

謝少南字應午號與槐江左人嘉靖壬辰進士官學憲

靈隱寺

江樓正背北高峯。猶說開堂舊法宗。雨後殿陰生薜荔。雲銷山色見芙蓉。長松不斷飄天籟。空谷偏宜聽暮鐘。莫上冷泉嗟往事。殘碑新什草蒙茸。

虎丘北臺讌集喜雨

石磴盤紆到上方。朱樓紺殿轉虛堂。千章茂樹連河曲。萬畝平田接海鄉。此日烏鴉殘堞晚。當年鹿走故

臺。燕野人獨抱為霖望。忽送西來暮雨涼。

與唐荆川毘陵胡氏園共話兼訂後期

名園瀟灑傍河湄。客路栖栖戀所知。柳近石橋風自度。槿遮雲磴雨初滋。長途奔走違予好。千古襟期向爾披。更擬新秋江上約。若洲先製采芡詞。

夏日遊汴京上方寺

來遊初地是前期。院裏金仙浩劫遺。不見青霄留良岳。猶傳寶塔定坤維。蒼苔繡榻栖禪室。綠樹停雲與靜宜。涼月何知淹坐久。踈鐘番訝出林遲。

謝公督學  
吾鄉聲名  
藉甚讀  
其詩可想  
見焉

余應舉

字德甫南昌人嘉靖庚戌廷士官憲副

再寄王元美兄弟

濁酒柴門老更狂。不因時俗問行藏。芙蓉秋晚空江  
海。辟荔春深勝鷓鴣。楚曲何人堪孺子。吳中二美得  
王郎。天門夜半風雷起。銷盡人間六月霜。

答張肖甫見訊

風塵歸後遠人群。不遣凄其頰上聞。驄馬殷勤憐楚  
客。雙魚迢遞到江濱。年光暗覺隨流水。世路何妨臥  
白雲。獨有明霞餐未盡。將因千里報夫君。

過叢臺懷寄張助甫廣平

臺上西風吹旆旌。踟躕重憶故人盟。江湖白幘秋來  
興。山水朱絃別後情。過眼交游今自見。側身岐路老  
堪行。千秋姓字歸騷雅。可有人間咄咄聲。

贈吳化卿侍御

三湘芳草隔天涯。一自鳴珂幾歲華。烏府新栽周史  
栢。鳳池舊染漢宮麻。賦成秋色寒飛雪。興引春杯夜  
注霞。偶為詞源相問訊。到知郢里是君家。

寄于鱗

吳蓋先官  
中合後為  
侍御中聯  
切甚

結鞅當年漢署心。別來時事陸為泥。青雲西破嶠函。  
夢。白日東迴。岱麓陰。今古幾人當雅頌。乾坤何處托  
高深。秋風蠶澤多歸鴈。遲爾瓊瑤歷下音。

王叔杲字陽德號賜谷永嘉人嘉靖間進士官憲副

贈張壚山開府江南

陽德守吾郡時數以詩相投及官吳中猶然風流儒雅蔚然可想

旌旆南飛海色開。江東今訝益州來。行邊寶劍寒星  
斗。曲裏陽春遍草萊。茂苑鶯花羅綺國。金陵煙月鳳  
凰臺。微垣午夜頻瞻處。法象光芒切上台。

初冬登大伾山

初冬飛蓋拂晴雲。共陟嵯峨探秘文。河勢已非神禹  
鑿。山形還自大行分。崖端想象懸金粟。洞口虛無散  
紫氛。登眺壯懷聊此寄。酒闌歸路已斜曛。

姚汝循字府

號鳳麓南京人嘉靖間進士官知

贈楊平溪明府時年八十

故太守姚君兩過吾園酒杯清談有江左之遺讀其詩可想焉

白首栖遲一畝宮。如君雅尚幾人同。談玄一遇騎牛  
子。捐珮甘從失馬翁。浮世風波高枕外。醉鄉花月閉  
門中。傳經已有諸郎在。不必周王更夢熊。

自蘊真洞泛舟至竹溪橋登岸回州

洞口回舟雨乍晴。瀾漫新漲接堤平。棹穿柳逕煙光潤。路轉蘭汀香吹生。鏡裏屢驚青嶂過。杯中時見白雲行。堪憐萬里投荒日。也自能無吏隱情。

王廷陳

字稚欽黃崗人嘉靖丁丑進士改庶吉士擢給事以言外補

許武昌邀飲西山寺中席上贈郭吳二部使

軒騎並從金刹駐。絃歌遙向碧山聞。巢邊鸛鶴窺遊客。行處漁樵識使君。絕壁松杉含晚照。緣崖樓閣綴秋雲。賓朋萬里過逢地。惆悵風前落葉分。

席上贈方士

仙客芝田傍白雲。偶逢鶴馭到人群。酒酣射覆多奇中。歌罷談玄總異聞。仗劍向幽驅鬼物。焚香當畫下神君。人間妙術渾難盡。欲續齊諧志怪文。

過玄妙觀有贈

神君樓閣枕江濱。鐘磬時時霄漢聞。仙至忽逢青鳥使。賓來頻舉白鷺群。當筵揮灑皆成雨。煮鼎飛煙盡化雲。雙鬢向衰渾欲盡。洞天石髓若為分。

方新

字德新池州青陽人嘉靖丙辰進士官御史

送章文峯南歸

方君典余同官西湖香山二首乃

月寺二言律卷六

分韻為之  
今為絕唱

日暮胡姬當酒壚。使君下馬意踟躕。興來皂帽隨風落。醉後皂盧入夜呼。結客黃金寧自惜。憂時白壁未應沽。秋風忽起南歸興。一劍霜天鴈共孤。

### 香山寺

香山一徑轟雲隈。寶刹高臨絕巘開。萬里河山迴玉塞。九重風露薄金臺。翻經石鼎香初爇。聽法松門鶴未回。便欲凌空飛鐵錫。不知何處是蓬萊。

### 西湖景

西湖形勝帶皇都。縱目秋原興不孤。水接銀河浮太

液。山橫紫閣落平蕪。一聲斷鷺天同遠。十里蒹葭月轉紆。惆悵王維情不盡。濡毫重擬輞川圖。

### 望華一首

太華孤標肅允方。入關西望鬱蒼蒼。地形半折山河險。分野遙含翼軫光。雲靜太虛凌玉柱。月明寒影落車箱。何當坐嘯中峯上。獨叩天門睨大荒。

### 湟中視馬多良賦此志喜

賢王入貢馬如雲。一覽郊坰總出群。歷塊風生千里足。連錢星綴五花文。詩陳駟鐵寧常見。樂奏蒲梢僅



再聞不有王靈宣絕域使臣何以效微勲

趙浚谷中丞見贈瑤篇奉答

倚劍空同萬壑秋。高人何處寄行遊。遙天露下蕪葭濕。邃谷風含桂樹幽。白雪知君元寡和。瓊瑤愧我未先投。東山願為蒼生起。一戰威名寢虜謀。

郜永春

字子元號仰遠長垣人嘉靖間進士官御史

寄題敬甫山洞二首

子元他詩頗涉意氣山洞二首有幽人物外之趣殆浸然天雅矣

莫道漁樵歲月閑。閉門幽事頗相關。投簪自信為真隱。買石何妨作假山。錯斗文扶杖外龍葱樹。色把

杯間莊生已遂丘中賞。浪說終南可陟難。

石勢嶙峋上作巒。下餘深洞可盤桓。玲瓏戶牖風從入。迴合天光氣自寒。病骨祗應能却暑。衰顏何計可成丹。桃花門外年年滿。遮莫劉郎幾次看。

劉鳳

字子威長洲人嘉靖間進士官御史

送徐太史

使車朝發白雲邊。萬里春帆細雨懸。正憶鶯花江上月。可禁楊柳薊門煙。蓬萊氣色揮毫裏。漢署風流獻納前。聞道聖朝行幸少。知君未擬賦甘泉。

侍御與魏山人有比玉稿大是作者

無題

憶君裘馬在邯鄲。十載空名髮色殘。肝膽一生談笑  
易。風塵舉世結交難。徒勞置酒張卿壽。無復通書李  
布歡。總是舊恩。何以報寶刀。橫向膝前看。

魏學禮

字季朗嘉靖間文學

贈黎仲子一首

何人結客少年場。芳草長亭正夕陽。忽見雙魚來萬  
里。始知尺素下三湘。布衣然諾輕朱建。冠蓋縱橫憶  
鄭莊。郢曲自來多白雪。遲君早晚賦長楊。

登江中觀音閣

亂石迢迢插斗邊。客心欲墮片帆前。清才早擅慚江  
總。孤閣秋登憶仲宣。地折長洋浮日月。天迴東極下  
風煙。憑欄却羨西飛鳥。雙翼橫空去杳然。

李元昭

字用晦號响樓山人浙人嘉靖間千戶

新春奉簡社中諸友

春逐瑤衡天上來。煖隨玄籥地中回。綠池水泮魚初  
躍。青圃風和杏欲開。繡蝕龍鱗拋舊鉢。香浮栢葉倒  
新杯。優游且盡山林賞。酩酊從教歲月催。

明詩多  
得古語是  
可以學社

獨坐

解組幽栖丹壑深。蓬頭長日罷招尋。柔煙霞更愜歸田興。水日應諧出世心。隔徑輕簧調鳥語。當門冷翠結松陰。鳴絃寫徹陽春曲。惆悵何人是賞音。

寄施虎泉

憐君壯歲走胡沙。勲業今看鏡裏花。大櫪夫能騰白燕盤囊。徒自泣青蛇。卻超幙冷。慰秋月。韓信壇空對暮霞。莫遣故園芝朮老。荷鋤聊可慰生涯。

高應冕

字文中。仁和人。嘉靖間舉人。為光州守。嘗結吟社於西胡。

二州詞采

貞元以前

音調李

鱗首有詩

亟稱之

同趙方匡大理張元洲憲使晚飲放鶴亭

山下孤亭此共遊。芙蓉無語隔芳洲。西陵人散雲山暮。南陌花殘煙水秋。鳥帶夕陽沈遠樹。月含夜色過高樓。獨憐放鶴人何在。吟落梅花意轉幽。

瑞石山閣望江

高閣凭臨絕壑幽。山城一帶俯江洲。疎林斷壁分青靄。隔岸殘潮急暮流。島嶼沙明千嶂夕。海門雲散井帆秋。雄圖萬古憐吳越。風雨西陵一釣舟。

九日登定南樓

偶來初地一登樓。雲散高城宿雨收。興到青山憐九日。遊從白社賦三秋。風前落葉催遲暮。天外長江帶遠流。戎馬邊疆何日定。不堪寒鴈叫滄洲。

晚晴同茅鹿門諸君集雲居山房

雙樹遙分聖水涯。隔林秋色帶煙霞。亂峯收雨穿雲出。細竹含風繞徑斜。僧立翠微迎野客。鳥啼殘照過山家。百年高會元無幾。一醉何須問落花。

江上寺

拄杖漫遊江上寺。松聲雲影逐人來。江深煙鎖魚龍

窟。谷靜風生鳥雀臺。珠閣倒翻天外迴。錦山斜向海門開。巖花半落渾無語。笑對漁翁濁酒杯。

許邦才

字殿卿。號空石。廬城人。嘉靖間解元。官長史。

淇門早發感憶鄴下諸鄉舊

淇門鐘動曉蒼茫。寒色催人道路長。良會漸看成往跡。羈匏空復憶同鄉。城隍炯炯寒留月。驛柳蕭蕭夜著霜。幾度有書將北寄。無端鴻鴈獨南翔。

途中歸思

霜覆空山菊有花。寒煙籠日石林斜。天涯漂泊愁為

許君與李于鱗有唱和集。又與余。照於梁園西亭。宗中處酒間論議。使余記憶。亦作家也。

客秋夜迢迢夢到家。竒數自甘同李廣。虛名那敢附  
長沙。年來華髮侵尋甚。猶泛搖搖海上槎。

何良俊

字元朗號柘湖華亭人嘉靖間翰林孔目

送梁浮山中舍還廣南

仙郎曉發綵舟輕。十月南風促去程。數載聲華留秘  
省。一時文藻動江城。泖湖秋水浮空遠。吳苑寒雲入  
望平。最是別離無可奈。願隨明月伴君行。

集市隱園得霞字

大市南頭一逕斜。蕭然門巷靜無譁。扶疎竹樹籠寒

俞氏序翰  
目傲睨千  
古不但四  
海讀其  
詩自見

日浩淼湖陂。逗晚霞天外喜逢江海客。寒宵同醉水  
淪家。老梅亦似含情待。故傍山楹著數花。

王寵

字履吉號雅宜蘇州人嘉靖間貢士

縹緲絕頂

絕頂親攀日月行。五湖如帶自迴縈。山川歷歷分南  
服。今古茫茫混太清。萬里風煙臨海嶠。百年身世悵  
浮萍。未驂鸞鶴雲車遠。兀坐松杉濁酒傾。

山居

山鳥群飛多好音。蒼苔白石淨中林。前峯麋鹿窺人

履吉詩如  
兩後芙蓉  
綽約有致

過半壁藤蘿礙日陰。萬里冥冥黃鵠羽。百年落落紫  
芝心。未論戰勝違朝市。遮莫狂歌任陸沉。

夏日草堂撤去窓戶肆設簟几清風洞越藤竹  
交蔭悠然有得作此紀興

錦石踈花暑氣清。翠巖丹壑夏雲生。已添海燕梁間  
且看湖帆鏡裏行。四壁驚飈弦索響。千林修竹簟  
紋明。令人却憶王車騎。更覺西山爽氣橫。

閒居

逸舍扶疎千樹林。古臺鶯語晝沉沉。山童戲舞調雙

鶴。病客閑居習五禽。阮藉猖狂讎禮法。仲長樂志薄  
朝簪。憑高更覺青冥遠。弋者徒聞黃鵠音。

王懋明

字僅初長洲人嘉靖間山人

題宜興姜教諭三鶴道人卷

廣文精舍寂無譁。惟有雙禽伴歲華。披篋談經非吏  
務。吹笙登嶺即仙家。一天涼月巢高樹。滿坐春風舞  
落花。自是蘇耽游物外。暫因山水寄官衙。

寄吳參軍

分攜忽忽換年華。夢裏迷途祗自嗟。夜話數留蕭寺

明詩言律卷六  
月春游常醉秣陵花。交知零落琴為伴。宦轍東西路。  
是家離索無須論。遠近相思何處不天涯。

葉芳世

字茂長無錫人嘉靖間山人

留別張瑄文

蕭颯山河飛白雲。京華歲暮欲離群。人同聯壁那堪  
拆。劍合雙龍未忍分。落葉乍於行處見。寒砧偏向坐  
中聞。挂帆獨自沿流去。千里滄波正夕曛。

月夜石磧道中逢滕懋中

當年曾共宿仙臺。猶記寒梅犯雪開。半酒漫成三載

別。扁舟還渡一江來。楚山紅葉霜中樹。石磧清歌月下  
杯。風景依然同前度。相逢何用訴離哀。

羅應齡

號海岳金壇人嘉靖間山人

秋夜同馬孟河徐近齋燕集王鳳州公署

兵衛森森向晚扃。筵開華月正當亭。十年京國同為  
客。萬里青齊又聚星。龍變君俱成矯矯。鴻飛吾且遂  
冥冥。誰家宛轉歌聲發。風遞朱簾倚醉聽。

同鳳州近齋登雲門山

千古乾坤有此臺。倚天丹洞五丁開。使君高興緣詩

發狂客。清秋御氣來。冠蓋影從滄海落。嘯歌聲自碧空迴。登臨喜對如澆酒。莫問曾經幾劫灰。

張之象 字玄超號王屋華亭人嘉靖間山人

亂後經故居感懷

烏鵲飄零月滿溪。遶林何處得安棲。萬方多難疲征斂。百戰無功厭鼓鼙。逕客歸惟見草。故隣人去不聞雞。攜家欲問桃源路。只恐雲深路已迷。

江行紀勝

輕風披拂布帆寬。仙客乘舟盡日歡。山勢峭為群鳳

山人音調 奇古鷓息 盆蓮二小 題尤見精 絕

舞江流。曲作九龍盤。紅霞正值波間映。翠靄偏宜雨後觀。欲向中泠探寶露。倚天樓閣路漫漫。

少峯姚廣文屯兵浦上賦此贈之次邦憲韻

獵獵龍旗拂水雲。英雄投筆試麾軍。橫空鼓角中流渡。跨海樓船遠岸分。紫燕日馳千里志。青萍時抱七星文。行看獻馘酬明主。不論封侯答戰勲。

寄題盛仲文鷓息園

鷓鳥悠然息羽翰。亦知辛苦世多端。玄黃與物元無競。網繳從人自不干。溟海未舒千里志。茂林聊假一

頷聯奇 狂若長虹 垂影



枝安羨君早悟道。遙理并寄張華賦與看。

朱少司成象玄謝政還鄉乃翁餘山先生有詩

貽之予與子元過訪因次韻賦此見意

年來世事苦奔湍。早得維舟靜裏看。故國且宜聞鶴  
唳。危機終不到漁竿。山中採蕨供親膳。海上流霞待  
客餐。莫信古云交態薄。依然門徑有任安。

六月十五夜宴象玄館中盆池三蓮並開即席

賦此

河朔風流去幾年。賞心余此復依然。從教二女凌波

上恰對三花倚鏡前。麗色况臨明月滿。清光偏映晚  
妝鮮。不須更泛芙蓉浦。總愛歌聲托採蓮。

鄭坤字順卿號石南姑蘇人嘉靖中山人

可吟亭次韻

空磴猶聞宿雨懸。高城却望夕陽連。寺藏紅葉秋山  
裏。舟繫黃花野渡前。楊子一亭羅象緯。謝公雙屐帶  
雲煙。卜鄰未遂當年志。小和閒居第幾篇。

慧山踏月歸

獨愛茲山不我遐。儘容屐齒印青霞。重陽又作明朝

鄭詩每  
中三聯更  
佳。山人中  
有此何言  
孟襄陽耶

事野菊先開兩日花。一笛橫吹秋萬里。孤鴻高映月  
千家。松間清話歸來晚。漫汲寒泉自煮茶。

舟眺金山

欲御長風遊物表。却憐法界起波心。山橫江海天門  
險。雲護魚龍水國深。望去樓臺連樹影。靜來鐘磬雜  
潮音。莫言此日神先到。月夕還期一醉吟。

臨清酌鄒子序樓居

相知落落慨茲遊。已過瓜期志未酬。談笑空揮白羽  
扇。飄零欲敝黑貂裘。五湖雲繞青山宅。萬里天涵明

月樓。今夕對君成一醉。仲宣不是誤依劉。

醉臥玄覽堂次項少岳韻

華薄為屏石作床。晴霏香藹滿山房。鳴琴竹下懷中  
散。欹枕風前即上皇。雙鶴旋來天欲暮。片雲飛去水  
生涼。吾曹總謂耽遊讌。須買鴛鴦湖載月航。

遊上真宮一首

買嶠方壺接遠峯。醴泉丹水上方通。梁園漫結忘憂  
館。吳地虛傳避暑宮。池畔涼衿沾桂露。樓頭橫吹起  
松風。往來燕飾誰家子。笑語相聞趣不同。

寄王秀才

薄遊南國歲將殘。話別清宵慘不歡。雪上金波五度滿。鏡中海色一樓寒。君應種竹開清賞。我欲升霞縱偉觀。嗜酒莫言通蕩甚。春來題遍幾峯巒。

陳東川

字朝宗。號近思子。無錫人。嘉靖間隱士。

陳氏來益齋留別

香凝燕寢石齋幽。紙帳青綾伴客愁。迢遞鄉心銀燭夜。淒涼風雨候蟲秋。松花滴酒難為別。蕉葉題情漫紀游。明日歸舟重回首。水雲沙鳥思悠悠。

次韻壽鶴山道人

朱塵飛不到山家。瑤草春風幾歲華。鯨飲欲吞青海月。鶴歸常待赤城霞。雲隨藜杖時尋藥。火煖筠籠午煮茶。千載玄都遺事在。仙桃今復見初花。

趙完璧

字文全。號海壑。山東膠州人。嘉靖間官鞏昌別駕。

春曉水邊感興

曉策花驄傍水涯。清光何限竟誰知。平湖雨霽蕪葭綠。曲岸風柔楊柳垂。烟渚鷗閑開逸興。滄洲春晚負佳期。塵埃滿目空奔走。衰倦應慚歸去遲。

萬詩能得不俗方是高手

海壑詩倉翠奇接如懸品古木虬龍異態

蕪葭楊柳取事不遠自覺清幽可慕

士之意益如所以為感興

喜月林奉使回京師

丘公英度鄉里交情俱可想見

他鄉太喜故人回。塵抱相從一暫開。芝宇三秋孤館夢。萍蹤萬里五雲偕。北風興逸燕山酒。皎月歌殘郭隗臺。宦海由來無定所。老懷可奈濟川才。

次韻李南川覽趙氏山泉

花落風雨泉鳴珮環對既豐腴意復不涉秋景

啼歇鶯聲午閉關。捲簾長晝看春山。洞門花落憐風雨。石窟泉鳴訝珮環。幽境不知辭組去。紅塵空自羨人閒。相過聊對芳菲醉。合釋羈懷頃刻間。

大名野水舟中

野渡茫茫接曉烟。艱難世路復登船。蕪葭聲裏風驚雨。楊柳叢中水拍天。釣艇日閑誰是主。蘋洲秋老自應憐。天涯宦况澹如許。一望東溟一慨然。

清豐道中逢雲南戴玉園推府

落木晚隴雲滇水情與宛然颯颯才致

漫漫長路可堪愁。何幸英雄際盛遊。落木晚山人似約。短亭濁酒意無休。陽春雅調曾誰和。雪夜高情此日酬。萍梗秋風仍萬里。隴雲滇水思悠悠。

次韻唐人鞦韆

霓裳款逸翠雲邊。鸞袖俄拋紅杏前。綉索縮風胡虜

中聯小景作大景集事

翻成感慨  
逸韻悠然

戲蛾眉弄晚艷。陽天繁華聚散。花間夢兒女。升沈草際烟。斜日不窮遊冶興。武陵何處問神仙。

秋閑

宦中能為  
隱逸語大  
有浣花溪  
遺韻

沉沉深署隔塵囂。匡坐清秋少俗勞。花影乍移朱箔捲。竹聲不動玉絲高。地因闐寂啼山鳥。人向幽閑醉碧桃。千里未歸舒一眺。西風蕭颯首重搔。

次韻月下聞笛

羌管誰家弄月明。晚風清度隔雲聲。悠悠夜館渾無賴。裊裊江天別有情。楊柳淒涼鄉夢斷。梅花零落鬢

絲盈闌干十二醒。殘酒憔悴年年客楚城。

沐陽道中忽見海上諸峯

不見諸峯二載餘。寒帷偶爾對籃輿。青螺入眼還前似。白髮於人益皓如。冉冉野雲迎舊侶。迢迢烟樹卜新居。天涯世味嗟衰暮。從此滄洲穩睡渠。

鹽城歸遷舊居登樓偶成

白髮朱欄快一凭。珠山南跨枕滄溟。烟中浩漫連天浸。雲際崢嶸括地青。千古畫圖詩興濶。四時風月醉寬醒。蓬瀛不用飛翰去。坐嘯青雲送暮齡。

青螺前似  
四字苦心白  
髮皓如天然  
妙境

領聯若登  
闕風層城  
曠覽無極

晚歸

烟光暮易得  
海氣涼甚奇  
胡有此对佳  
哉

嶺頭旋旆已斜陽。十里山城緩不忙。酒向晚風消未  
得。詩從野色興偏長。川橫白鳥烟光暮。潮擁滄波海  
氣涼。鴻雁冥冥誰得慕。朝來暮去水雲鄉。

次韻春夜獨酌

二首真能  
攬止足之分  
抗浮雲志

結廬人境不須山。獨剪青燈意自閑。一夕倒觴酣不  
醒。十年飛鳥倦知還。清魂月吐梅花上。拂面風來楊  
柳間。老嬾漫陶滄海曲。浮名不道玉門關。  
痛飲從教倒玉山。晚風良月伴人閑。芳春落日還難

繫暗水浮花去。不還歌舞空憐銅雀上。風流猶憶竹  
林間。壯心每向衰年情。逃取昏冥了不關。

春遊迴文

忙裏閑情娛景華。度溪尋壑驀晴沙。長原翠漾雲浮  
草暖。徑紅飛燕落花狂。詠客亭春把酒。憇留僧寺晚  
烹茶。香生陌霧飄風軟。蒼莽踏來遊路遐。

夏日迴文

紅榴石畔海光晴。寂寂閑堦曉翫清風靜。柳亭凝靄  
細。日曛荷沼映霞明。桐青坐暇休炎暑。草碧眠慵廢

迴文體唐人  
不多見明詩  
亦惟何仲默  
首頓佳蓋且  
順逆成文易  
涉牽合為詩  
格之旨取難者  
乃海聲与敬  
思俱精之而  
海聲尤精橋  
梓碎壓明唐  
其在茲調乎

敬思詩秀  
爽英特如  
關西世將  
組練明光

頷聯清風  
颯然讀之  
無暑可為  
水軒聯句

萬容殘照  
不至其地者

不知亦不能  
言可為西山

圖五

中二語情景  
俱麗何物  
友人乃有此  
別

占木一聯乃  
有神授非凡  
語也

讀耕空院小吟長晝靜同誰興飲聽啼鶯

趙慎修

字敬思號清廓山東膠州人嘉靖乙丑進士官大名知府海容其父也

夏日迴文

紅蕖映日海天晴綠蟻尊餘歌扇清風動竹陰寒去  
暑水翻萍影淨生明桐踈憇晚醒還醉岫遠看雲鈞  
復耕空洞雪煩塵夢破同人野興有啼鶯

遊碧雲寺

欲豁塵襟尋梵宇遙穿碧嶂憇雲林天聲入耳寒流  
迴秋色明眸紅樹深夢破金沙忻妙躡情怡寶閣發

幽吟凭臨萬壑生殘照木下機纏愧此心

送友人假歸江南

朔雲秋盡轉仙槎酌酒送君別思賒瓊樹甫依塵夢  
破驪歌忽唱暮烟斜半帆月影隨征鴈萬里江聲喜  
近家自是清才需用急停看回首醉黃花

雪夜即事

連日陰雲凍不開北風吹雪一時迴孤城乍閉催寒  
漏病眼新過謝酒杯古木有聲濤捲去虛窓無影月  
生來瑤華錯落憑誰語銀燭深更恨莫裁

吹笛牧童

村童日日跨青牛。短笛橫吹不解愁。一曲晚風驚落  
鴈。數聲烟渚逐寒流。梅花零落湘雲暮。楊柳蕭條楚  
水秋。別棹歸驂無那倦。何如吟弄碧江隈。

牽牛牧童

桃林歸去放青牛。殘夢相將過碧隈。紅雨東風春已  
老。紫雲西駕晚初休。輕羈暖送晴嵐外。短策遙分曲  
水頭。村舍禾疇應不遠。曉烟斜日自悠悠。

春闋畢同僚友登弘濟寺閣

二首語入三  
昧空谷生響  
可與空洞無  
物者譚之  
海怪亦有  
牧童詩中  
幽其奇然  
清空無瑕  
余允取於敬  
思若敬思之  
水中花影則  
又不免輸海  
怪一籌錯  
綜橋梓互  
有奇勝乃  
敵手甚也

細草金甲  
善用杜字  
寫出清時  
景象

盛世方春簡陳行。吁嗟我武自維揚。踈楊斜日散金  
甲。細草閑門覓羽觴。仙客梯雲飛閣渺。朗懷極目翠  
巖長。山河萬里塵烟息。佳氣葱蘢遍帝鄉。

癸酉春余以使事便省適王西山過膠喜晤有

賦

合浮沉  
自人生所苦  
二語能破之  
大有在生遺  
韻

起君雷雨碧江頭。際我星槎青海陬。王樹忽驚雙眼  
在。芳樽長憶十年遊。人生離合風前葉。世事浮沉水  
上漚。此日相逢莫相負。應憐春色滿滄洲。

春日同妹丈王少野弟慎幾遊西庄限韻



春多傷  
艷一以桐對  
桃俱爛對  
始華字意  
清空艷栗  
艷大是高  
手  
蠹岸驅來使者車  
芳林適與燕初斜  
東風冉冉桃俱  
爛  
白日悠悠桐始華  
入戶野雲邀翰侶  
縈烟草樹靜  
飛沙天涯却怪從塵逐  
未擬山頭弄紫霞

重陽六日同桂巽川過朱海峯社長席上有作  
得花字

余嘗歎太守  
知其不多飲  
乃詩中往  
談醉狀固知  
詞人借酒為  
與不必鯨吞  
李杜非真為  
酒徒矣  
燕山曾復覲豪華  
二妙重携起興賒  
良夜高歌傾綠  
醞  
中天霽覓共黃  
花揮絃合慰三  
秋思剪燭從教  
五  
鼓  
搥  
夢  
破  
故  
人  
須  
盡  
醉  
一  
行  
鴻  
鴈  
在  
天  
涯

金山寺

一詩可為兩  
山增樂讀  
令人軒軒然  
欲舉矣  
大觀夢想金山寺  
勝日從登寶塔陬  
紫翠千峯橫  
北  
固  
蒼  
茫  
萬  
里  
下  
東  
流  
乍  
探  
幽  
境  
開  
塵  
眼  
試  
酌  
名  
泉  
散  
積  
愁  
危  
磴  
振  
衣  
渾  
不  
倦  
囂  
煩  
回  
首  
思  
悠  
悠

登平山堂移酌觀音閣次吳自翁韻

曉來江靄欲全收  
偶上荒臺豁壯眸  
千古高懷酬翰  
侶  
一  
尊  
芳  
醕  
對  
晴  
鷗  
天  
南  
疊  
嶂  
林  
端  
去  
日  
下  
仙  
槎  
鏡  
裏  
浮  
興  
逸  
化  
城  
凌  
竣  
閣  
葱  
蒼  
攬  
結  
倚  
吳  
鉤

夏日雨霽登魁星樓眺望

一豁煩襟躋斗宮  
偶從雷雨過長空  
彩虹半捲漳溪

額聯大是  
于鱗之一

可與黃榆  
馬陵諸作  
頡頏矣

霧霽色全開河朔風特地文光池水上萬家生事黍  
苗中晴分北極妖塵淨葱蔚應知造物功。

北燕明詩七言律卷六



